

ODRŽAN DONATORSKI KOORDINACIONI SASTANAK

15.06.2015 10:44



U prostorijama Federalne uprave za geodetske i imovinsko-pravne poslove, u četvrtak, 11. 6. 2015. godine, održan je donatorski koordinacioni sastanak. Navedeni sastanak se redovno organizira u sklopu misija Svjetske banke na implementaciji Projekta registracije nekretnina.

Osnovna svrha donatorskog koordinacionog sastanka je koordinacija aktivnosti donatorskih projekata (CILAP projekta finansiranog donatorskim sredstvima Kraljevine Švedske i projekta Javne službe za tržište nekretnina i evropske integracije, finansiranog donatorskim sredstvima Kraljevine Norveške) s aktivnostima Projekta registracije nekretnina.

Sastanak je započeo prezentacijom softvera za katastar i Geoportal Federalne uprave za geodetske i imovinsko-pravne poslove, koju je izvršio Denis Tabučić, zaposlenik Sektora za geoinformatiku. U daljnjem toku sastanka ukratko su prezentirani rezultati implementacije Projekta registracije nekretnina, CILAP projekta i projekta Javne službe za tržište nekretnina i evropske integracije, te se razgovaralo o međusobnom usklađivanju aktivnosti navedenih projekata, kao i tehničkoj podršci Projektu registracije nekretnina od strane donatorskih projekata.

U ime Svjetske banke sastanku su prisustvovali Camille Bourguignon, vođa projektnog tima Svjetske banke, Božena Lipej, specijalist za katastar, i Mirjana Karahasanović, službenica za operacije. Sastanku su u ime Ambasade Kraljevine Švedske u Bosni i Hercegovini prisustvovali savjetnica za razvojnu saradnju Marie Bergstrom i lokalni menadžer portfelja Nedim Bukvić, u ime Läntmaterieta (geodetska uprava Kraljevine Švedske) sastanku je prisustvovao generalni direktor Bengt Kjellson, a u ime CILAP projekta sastanku su prisustvovali direktorica projekta Anđa Zimić i konsultant Dejan Jeremić. Ispred Kartografske uprave Kraljevine Norveške sastanku je prisustvovala Maria Lodin, viša savjetnica ispred Centra za imovinska prava i razvoj, u ime Republičke uprave za geodetske i imovinsko-pravne poslove RS-a sastanku su prisustvovali direktor Miloš Komljenović i savjetnik direktora Darko Mišković, dok su u ime Federalne uprave za geodetske i imovinsko-pravne poslove sastanku prisustvovali direktor Željko Obradović, pomoćnik direktora Nedžad Pašalić, te Denis Tabučić.

Svi učesnici su izrazili zadovoljstvo dostignutim nivoom koordinacionih aktivnosti između navedenih projekata i iskazali spremnost za daljnju saradnju i koordinaciju projektnih aktivnosti.